

Transkription von Stadtbucheintrag HBS 1380a

Ort, Datierung: Halberstadt, 1380-12-05

Signatur: Stadtarchiv Halberstadt, X 01a, Bl. 30v

Inhalt: Rat der Stadt Halberstadt: Beschluss für den Schoss und Wachdienst

Ratmanne . burmest(ere) . vn(de) Inni(n)gmest(er)e . . vnd(e) alle vnse / bürg(ere) ghe meynlike(n)
Ju(n)cg . vn(de) alt reke . vn(de) arm sind / to rade würde(n) . vnd(e) hebb(e)n dat ok eyndrechtlike(n)
mid gude(n) / vorb(e)dachte(n) müde ghe wilkoret . . wat leyen sin . de halb(e)r(stad) be / wone(n)
binne(n) der müre(n) . se wone(n) hir wur se wone(n) dat de mid / vns to Rathuse scote(n) sculle(n) . .
vn(de) vns be hulpe(n) sin to eyn(er) ghe / meyne(n) hude malk nach siner moghelicheit alse and(er)e
vnse bürg(er)e / hir to wichbelde don . nach vnser stad wilkore . vn(de) wonheyt . . vt / ghe nome(n)
vnse h(ere)n de domh(ere)n . . de papheit vn(de) er ghe sinde . guder / hande lude . vn(de) er ghe sinde
.. we ok des nicht en dede . vnd(e) / des also nicht vt en heylde mid dem scote . alse dat nv disses jars /
be gynd . vn(de) ane heue(n) is den . edd(er) deme scolde de Rad volghe(n) / mid der veste . vn(de) de
so lange in der veste halde(n) want , se / der stad wille(n) v(m)me dat scod makede(n) dat se , vor
sete(n) hedde(n) . . disses / sy we eyndrechtlike(n) to rade würde(n) . vn(de) ouer eyn ghe kome(n) dat
/ we , vn(de) alle vnse nakomelinge dat stede gantz vn(de) vnuorbroke(n) / also halde(n) wille(n) .
dorch nüd . vn(de) vorme(n) der stad to halb(e)r(stad) . vn(de) des / gantze(n) landes . dit is ghe schin
nach gots bord dritteynhundirt / jar indeme achtenteghest(en) jare vor nycol(aus)